

畿輔通志卷二百四十九

列傳五十七

列女五

明四

順德

廣平

大名

明

順德府

邢臺縣

張博女名端莊

縣志康熙志一統志同府志作莊端誤

年二十未嫁正德六年

流賊至其家女奔投井中賊出之逼令易衣女大罵之遂被

殺

大清一統志

知府劉溥建祠

康熙志

與王玉梅同祀

縣志

案王

志李元雙烈女詩雙烈女顏如花心如鐵賊奴來似蛇蠍敢生狂毒念欲汚冰玉潔烈女罵賊口歎血賊奴揮刀電光掣如花顏慘分裂如鐵心耿難滅化為雲漢皎霜雪太守立祠表其節白石峩峩刻豐碑清風寒瀨相鳴咽

華英妻王氏年二十寡姑老子幼堅持志節正統間旌

康熙志

孫瑜繼妻王氏娶七月而瑜卒王年十九舅姑欲奪其志以

死自誓投繯者再乃聽之家弗戒於火舅姑老不能起避王

冒火負出舅姑卒不能葬易衣衾裹禮撫前室子如已出

同上

吳希賢妻常氏嫁三載而寡撫遺腹子繼先依舅姑以沒世

康熙 監司李賜米以旌其節

府志

董壽妻仝氏年二十四而寡

康熙志

貧甚以女紅取直孝養翁

姑嚴分內外有欲爲請旌者仝辭曰勤苦守志乃婦人常事

何以表爲年八十以完名終

縣志

馮騰

縣志康熙志同

妻劉氏年二十而夫亡極貧無子比

葬劉屬開壙者寬其穴人不解其意穴成遂縊於旁

康熙志

隆

慶間旌有碑記

縣志

王邦靖妻楊氏年二十二夫亡慟絕者屢姑泣勸之乃曰姑

老安敢重貽戚且撫孤有成所以報地下也遂茹荼畫荻稱

未亡者四十年

同上

劉延年妻邢氏年二十三劉亡守節終身

康熙志

獨居蔽樓不

履地者三十年卽母黨亦不得覩面萬厯年旌

縣志

趙同德妻崔氏年二十五而寡

康熙志

子三歲屢欲自盡舅姑

防益密乃矢志養親教子四十餘年天啟元年旌

縣志

李向陽妻郭氏年二十六而寡持志堅貞子元吉能孝事之

有司表曰貞孝

康熙志

劉顯良妻華氏守節終身天啟年具聞建坊旌表

同上

沙河縣

王得時女玉梅正德六年流賊至得時多力奪賊刀傷二賊

賊怒復率眾焚其家時女年十七賊驅之行女不行而罵賊

殺之三斷其尸

大清一統志

縣令陳斌具事以聞建雙烈祠於府

南關縣志與邢臺烈女張端莊同祠祀之康熙志樊周建題烈女王玉梅墓詩荒

臺寂寘記何年俠骨貞魂千載傳行至墳前驚勒馬碧雲猶傍朔風寒

朱洪妻董氏年二十八歲守節康熙志子魁方二齡以母而兼

父師後魁爲京衛經歷會孫裳爲都御史年九十三卒縣志

韓斌妻樊氏二十七歲守節教子孝養舅姑宏治中旌表

張俊妻李氏年二十五而寡紡績以事翁姑訓子連入泮以

節壽終正德元年建坊旌表俱同上

侯諫妻邵氏年十八諫溺死遺腹生子守志終身康熙志

許宗周妻趙氏年十七歲守節康熙志嘉靖間旌府志

鄭國章縣志康熙志同妻元氏年二十三而寡無子守節嗣

因其母促之改節遂自縊死康熙志隆慶四年旌門祭奠縣志

韓世福妻李氏事親以孝聞勸夫以產讓弟夫歿苦節康熙志

二子俱幼有遺債賣奩償之族有欺其孤寡而詬門者甘受

不校輿評稱爲女中君子萬厯十年有司旌之縣志

武寶妻周氏年二十五守節四十餘年康熙志勤儉撫孤家業

日隆親族鄰里有貧乏者賙之有司旌表縣志

韓九人妻劉氏年二十四守節孤子亦歿艱苦自支至五十

三歲卒旌表康熙志

趙從學妻吳氏年二十七守節康熙志撫育二子俱入泮孀居

三十餘年萬厯十五年旌其里開縣志

唐卿妻元氏年二十三而寡康熙志姑老子幼勤紡織負薪水

節孝並稱壽至九十七歲萬厯十六年請旌縣志

韓時光妻甯氏二十二歲守節至七十九而卒康熙志教子循

守禮法著爲家規門庭肅然縣志

趙之垣妻杜氏垣臥病十餘年杜事之惟謹既歿悲不自勝

飲毒而死萬厯四十年知縣請旌

康熙志

周文運母張氏年二十五而寡文運未週歲苦志撫成母子相依爲命至八十二歲卒天啟五年詔建坊旌之

李令譽妻樊氏年十八歲守節事孀姑以孝聞崇正三年詔建坊旌之後值寇變投井死

任孟揚

縣志康熙志府志皆失名

妻周氏年二十夫故撫子萬庫守節至

八十三歲而卒崇正十一年建坊旌表

俱同上

張自秀繼室何氏夫故矢志撫孤教養備至後長子師孔膺鄉薦次子師道爲明經壽至七十三卒

縣志

趙繼成妻于氏年二十二寡居斷髮毀容奉姑教子勤機杼

親日爨苦節六十餘年

縣志

八十九歲卒

康熙志

劉聖經妻石氏年二十三夫死值明末寇亂家無儲蓄石守

志益堅人高其節

縣志

梁民服妻李氏年二十一守節

康熙志

家貧遺子道明李口授

詩書後道明中甲子儲魁

縣志

李成性妻孟氏性至孝姑病籲天祈代卽愈後姑歿夫亦哀

毀而亡遺子珍及明末寇亂城陷率珍婦盧氏投井死

康熙志

鄭邦奇妻李氏年十七守節崇正間詔旌表之明末兵亂抱

孫女投井賊下石擊死建祠祀之

同上

謹案以上四人府志誤入

國朝今從康熙志縣志還列明季

張師顏長子其度妻許氏次其衡妻白氏三其程妻李氏崇

正十三年土寇刼掠其度率兩弟翼父出逃遇賊俱被害許

氏暨白與李伏尸哭畢遂連袂投井衆力禦之又聚一室投

纓家人更番守之得不死乃勤苦訓兒以終

府志

王業隆妻郭氏卽烈女玉梅之姪曾孫婦也孝順舅姑和睦

娣姒業隆卒時郭年二十二絕粒七日嗚咽而卒

縣續志

南和縣

趙貴妻侯氏年二十守節事姑孝撫孤慈後子思明以邑廩

官甯遠縣丞篤孝成性而母德益彰

康熙志縣志

劉慶妻杜氏年十六歸慶生子賢歲餘而寡

康熙志

杜課子讀

書值歲飢采薪負粟傭女工不怠歷四十年事聞旌表

府志

高班妻張氏年二十五守節四十餘年如一子堅成進士

康熙志

志

呂疇

縣志府志同康熙志雍正志作呂鑄誤

妻王氏年二十二疇故舅姑兄嫂

相繼俱逝子天錫方幼苦績供讀鄉里稱之

縣志

黃忠妻郭氏年二十五守節

康熙志

遺二子彥玘俱幼家劇貧

提攜兩孤力營夫葬做衣糲食幾六十年八旬餘卒

府志

刁縉妻高氏年二十三守節

康熙志

潛縊以殉解救復甦遺孤

文魁三齡教養備經艱苦及高亡文魁廬墓三年官舉孝行

以歲薦官汝甯府教授

縣志

曹復元

府志曹作賈誤

妻要氏年二十一守節

康熙志

遺孤壯纔二歲

艱苦自持家道不墜及壯游庠輸穀賑饑皆母教也壽八十

二終建坊旌表

縣志

曹壯妻高氏卽要氏子婦也事孀姑甚得歡心生子六歲壯

亡上以慰姑下以鞠子其後諸孫林立人以爲雙節之報

同上

周民服妻王氏年十八守節

康熙志

生子宗旦纔兩月并白奉

姑篝燈課子至七艷卒各院旌表

府志

路濟民妻王氏二十四歲守節

康熙志

遺二女家甚貧事姑生

死盡禮皆女紅餘積爲二女擇壻年七十餘兩院旌表

縣志

申志妻譚氏年十七而寡撫彌月孤苦守至七十歲卒

康熙志

劉時熙妻孫氏年十九熙故子士元甫晬甘貧守節年七十

公舉表揚

縣志

劉景松妻孟氏二十一而寡子青方周歲養志孝親撫孤存

祀年逾八旬按院給贍月米

同上

甯堂妻李氏年二十夫亡守節終身孫曾十餘人皆列黌序

年逾八十卒

府志

胡連妻路氏幼聰敏能誦小學女誠諸書年十七歸連佐夫

事親先意承志及連歿年二十欲以身殉翁姑痛無侍養乃

作空墳以待子孫皆舉於鄉年八十三卒

同上

魏遜妻馬氏幼通文翰十六歸遜一載而寡勵志守貞子孫

皆口自授讀書嘗爲婦輩疏解女論家禮以教之

縣志

范琮

縣志康熙志同府志作范器宗

之妻王氏年十九夫亡遺腹生子任紡

織爲生任少長卽授書史宏治間邑令陳侯世饋帛粟以贍

之年七十一卒知州冀進知縣易宗周著王節婦傳附范門

節孝錄四卷行世

府志

路世英妻張氏少寡無子守節五十餘年九十五歲卒

康熙志

張應旅妻鄭氏守節五十餘年九十六歲卒按院旌之

府志

李宜經妻高氏年二十二夫故撫孤苦節六十二年被旌

盧漢卿妻趙氏早年守節遺二子長啟文亦早亡媳張氏年

十九事姑趙以孝姑有私蓄悉讓夫弟啟業人稱爲孝友婦

按院傅衛皆旌其門

楊守法妻譚氏守節四十餘年按院胡旌表給粟終其身

國獻表妻張氏按院胡旌其門曰全節保孤

盧進登妻鞏氏年二十九而寡遺子一安方三歲撫育成立

壽至八十九歲郡縣繼粟以旌之

俱同上

李來登妻冀氏年二十九夫故守節四十六年旌表

康熙志

蘇魁妻盧氏

康熙志作王氏

十五歸魁六年無出納妾生子萬億周

歲而妾死魁亦旋殞盧年二十一撫育萬億入監出仕天啟

間建坊旌表

府志

竇文燦妻胡氏年二十五守節八十六歲卒兩院旌之

康熙志

胡維垣妻李氏早寡遺二子拱極拱辰俱幼遂長齋誦佛訓

子成名官給糧二十載六十有二卒按院張旌其門

府志

尹煥妻黃氏年十九生子商賓五日而煥卒守志自矢繼姑

事之以禮家雖壁立而紡織彌勤訓子入庠天啟中左光斗

疏於朝爲建天褒慈貞坊

縣志

黃隱德妻張氏苦志勵節建坊旌表

同上

李靠山

康熙志雍正志俱作李告悲誤

妻鞏氏守節五十年被旌

府志

張珥妻康氏年二十五守志苦節五十餘年按院旌之

康熙志

呂堂妻范氏正德六年流賊至掠婦女數十於冀家屯范在

掠中泣告同執者曰今日之事有死而已至賊營賊眾環坐

命之行酒不應則命引出斬之范度不能脫以頭觸賊而手

擊之賊怒剉殺之一

大清志時年十八也

師萬妻牛氏

大清志

正德六年流賊攻掠其鄉抱其子倉皇

避匿遇賊罵不絕口

康熙志

賊奪殺其子氏卽投井井淺賊仍

搜出氏罵益急賊怒殺於邊豸側時年二十一

府志

蕭福妻蘇氏正德六年十二月流賊入其家見蘇少艾欲掠

之遂奔後園投井死賊欲救拽無及也時年二十五

康熙志知

縣孫給棺以葬嘉靖中邑宰易宗有祭三烈婦文今石刻嵌

仙井廟壁上

縣志

謹案三烈婦謂呂堂妻范氏師萬妻牛氏並蘇氏爲三也

梁當妻甯氏隆慶五年甯十六歲嫁三月而夫死七日不食

家人百勸至第九日防者稍疏遂閤戶投繯死

府志

左起源妻郭氏夫病星家言妻命刑剋所致郭因念已不利

夫卽自刎會家人急救乃甦夫病亦愈邑人中丞公朱正色

親造其門而稱賀歎息者久之後二十年其夫復病且劇郭

仍憶昔星士言竟自刎死而夫亦隨歿矣

康熙志

邑令羅爲文

察之有過信命造欲以存夫矢心天日誰及其愚語

縣志

刁昌世媳袁氏張氏王氏及其幼女樓姐遭兵亂城破相率投井皆死同時有華氏被難死節按院衛建五烈祠於梅花

亭北

府志

謹案五烈之說縣志未載只著華氏一人引舊志云事實無考蓋兵燹被掠死節於道路者而地理志墳墓條內有花女墓云在豐化莊後里許不詳姓氏疑卽華氏俗書譌華爲花耳

鞏守祖聘妻張氏未嫁而夫死隨母往弔乘隙縊於棺傍嘉靖中按院表其墓

縣志

王惠妻鞏氏納妾劉氏而惠歿鞏生子守經劉生子守綸俱在襁褓鞏撫庶子無異已出及卒猶囑其子曰守綸幼弱汝

善視之鄉黨稱賢

康熙志

平鄉縣

李芳妻周氏年二十六守節姑七旬子在抱周曲盡孝慈姑

老疾不能動履周運滌溷穢十八年無厭倦色姑卒哀毀骨

立殯葬如儀稱爲苦節純孝永樂十八年旌表

康熙志

趙閔妻馬氏年二十二而寡有遺腹生一子守志撫成正統

三年旌表

同上

魏擴妻李氏年二十七守節至七十七歲卒正統十一年詔

建貞節堂旌表之

康熙志

舊志有汪奉傳略李一利碑記中有

斷耳明志兩奉褒旌語

縣志

李敬妻徐氏年二十一而寡親老子孩仰事俯育刻苦終身

成化十四年旌表

康熙志

韓輔妻李氏年十六而寡撫彌月子以節終宏治五年旌

焦岷妻張氏年二十而寡遺子涇僅四歲教之讀書嚴禁三

姑六婆鄉評重之及涇長娶田氏方十五歲未幾涇復歿誓

守一如姑張疾田以針指市藥不解帶者三閱月禱於祖廟

願以身代田有遺腹生子奎光長娶張氏亦不數年而奎光

卒遺子方兩月張紡績撫孤以延焦祀隆慶二年按院以三

世貞節旌之

俱同上

田世儒妻史氏年二十三守節

康熙志

撫三子皆成立隆慶二

年

縣志作十二年府志作萬曆年十字衍文此與上焦氏三節當是同年被旌者

案隆慶只六年

按院以

盛世碩烈旌之

縣志

竇熠妻焦氏年三十而寡子擴天方三歲教之入泮壽至七

十餘終天啟元年按院旌之

府志